

小時了了

siau` shi liau` liau`

作者：劉義慶

年代：南朝宋

筆記小說

孔文舉年十歲，隨父到
 洛。時李元禮有盛名，為
 司隸校尉，詣門者皆僞才
 清稱，及中表親戚乃通。
 文舉至門，謂吏曰：「我
 是李府君親。」既通，前
 坐。

元禮問曰：「君與僕有
 何親？」對曰：「昔先君
 仲尼，與君先人伯陽，
 有師資之尊，是僕與君
 奕世為通好也。」元禮及
 賓客莫不奇之。太中大
 夫陳韙後至，人以其語
 語之。韙曰：「小時了
 了，大未必佳！」文舉
 曰：「想君小時，必當
 了了！」韙大踖踏。